

ÁLYKTUN RÁÐSINS

frá 27. nóvember 1995

um hvaða áhrif það hefur á iðnaðinn að koma á upplýsingaþjófélagi í Evrópusambandinu(*)

(95/C 341/03)

RÁÐ EVRÓPUSAMBANDSINS,

sem hefur hliðsjón af stofnsáttmála Evrópubandalagsins,

og sem tekur tillit til eftirfarandi:

Í hvítbókinni um vöxt, samkeppnishæfni og atvinnumál, sem var lögð fyrir leiðtogaráðið í Brussel í desember 1993, er lagt til að mótuð verði stefna um að þróa sameiginlegt upplýsingaumhverfi og einkum að auka skilvirkni á sviði upplýsinga- og fjarskiptatækni í Evrópu.

Niðurstaðna leiðtogaráðsins á Korfú í júní 1994 um skýrslu nefndar háttsettra embættismanna, sem Bangemann framkvæmdastjóri veitti forystu, um „Evrópu og hið víðtæka upplýsingaþjófélag“.

Leiðtogaráðið, sem kom saman í Cannes í júní 1995, lagði áherslu á þróunarmöguleika nýrra vaxtarsviða (svo sem margmiðlunar) og möguleika á að skapa störf til eflingar upplýsingaþjóféluginu og fór þess á leit að haldið yrði áfram að skapa þann lagaramma, sem nauðsynlegur er til að tryggja áframhaldandi uppbyggingu á þessu sviði, samtímis því sem tekið yrði tillit til menningarlegrar fjölbreytni og ekki misst sjónar á því markmiði að tryggja jafnan aðgang að þessum nýju þjónustusviðum.

Orðsendingar framkvæmdastjórnarinnar frá júlí 1994 sem ber yfirskriftina „Evrópa á leið inn í upplýsingaþjófélagið: aðgerðaáætlun“ og orðsendingar framkvæmdastjórnarinnar frá maí 1995 um hvernig koma skuli viðföngum upplýsingaþjófélagsins í framkvæmd.

Grænbókarinnar um afnám hafta á fjarskiptagrunnvirkjum og kapalsjónvarpsnetum frá október 1994 og ályktunar ráðsins frá nóvember 1994.

I

1. Álitur að það sé pólitískt forgangsverkefni Evrópasambandsins að bregðast við þeirri áskorun sem felst í

upplýsingaþjóféluginu og þannig stuðla að sköpun atvinnutækifæra, auknum lífsgæðum borgaranna, aukinni samkeppnishæfni framleiðslukerfisins og aukinni efnahagslegri og félagslegri samheldni í sambandinu.

2. Álitur að upplýsinga- og fjarskiptatækni hafi úrslitaþýðingu fyrir samkeppnishæfni atvinnulífsins og þar sem hún stuðli að auknum fjárfestingum sé hún mikilvægur þáttur í viðgangi atvinnulífsins.
3. Álitur að það sé á ábyrgð fyrirtækja að tryggja og bæta samkeppnishæfni iðnaðarins og stjórnvalda að skapa forsendur fyrir samkeppni og viðeigandi laga- og stjórnsýsluramma.

II

4. Álitur að þróun upplýsingaþjófélagsins hafi tvíþætt áhrif á evrópskan iðnað:
 - hún hefur almenn áhrif á samkeppnishæfni iðnaðarins sem notanda grunnvirkja og upplýsingaþjónustu,
 - hún hefur bein áhrif á evrópska upplýsingaiðnaðinn, enda gegnir hann hlutverki birgis gagnvart atvinnurekendum, framleiðendum hvers kyns innihalds og þeim sem veita upplýsingaþjónustu, og á notendur.
5. Leggur áherslu á að upplýsingaiðnaðurinn muni hafa mikla þýðingu fyrir framtíð upplýsingaþjófélagsins og að iðnaðurinn í kringum upplýsingaþjónustuna verði að fá vaxtarrými.
6. Viðurkennir að einn af þeim þáttum sem hafa afgerandi áhrif á framþróun upplýsingaþjófélagsins er hvernig notendur taka þessari nýju þjónustu. Aukin eftirspurn á sviði iðnaðar kemur bæði til með að snerta almenn fjarskiptanet og einkarekin fjarskiptanet og nýtingu upplýsingaþjónustu sem þeim tengist, sem og framleiðslu og framsetningu innihalds.
7. Álitur að útbreiðsla upplýsinga- og fjarskiptatækni í upplýsingaþjóféluginu verði undir þróuninni á eftirfarandi sviðum komin:

(*) Þessi EB-gerð, sem birtist í Stjtf. EB nr. C 341, 19. 12. 1995, bls. 5, var nefnd í ákvörðun sameiginlegu EES-nefndarinnar nr. 41/96 frá 28. júní 1996 um breytingu á XI. viðauka (Fjarskiptaþjónusta) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

- *Ný viðföng*

Það kemur til með að hafa afgerandi þýðingu að velja úr viðföng er leiða til víðtækrar háþróaðrar margmiðlunarþjónustu, sem framkallar keðjuverkandi áhrif, og eykur þannig framboð vegna stærðarhagkvæmni.

Margt af þessu mun, þrátt fyrir að einkaframtakið gegni lykilhlutverki, beinast að félags-hagfræðilegum sviðum þar sem þátttaka ríkisins er umtalsverð (opinber stjórnsýsla, heilbrigðismál, mennta- og umhverfismál).

- *Almenn fjarskiptanet*

Verulegur hluti af eftirspurninni eftir tengi- og flutningsbúnaði er vegna almennra fjarskiptaneta og vegna stöðugt flóknari kerfa sem eru notuð við eftirlit og stýringu á netkerfunum sjálfum.

- *Fjarskipti í atvinnulífinu*

Í þróaðri samfélögum eru mestu vaxtarmöguleikarnir fólgnir í eftirspurn í atvinnulífinu, einkum frá stórum atvinnufyrirtækjum, ekki síst á fjármálasviðinu.

Þarfir fyrir samtengingu einkarekinna netkerfa skapa verulega sérhæfða eftirspurn eftir bæði vélbúnaði og hugbúnaði.

- *Framboð á búnaði til notenda*

Framboð á búnaði til notenda á heimilum er ein af grundvallarforsendum þess að unnt sé að tryggja eftirspurn sem gerir markaðssetningu nýrra netkerfa og þjónustu á sviði upplýsingatækni hagkvæma.

Notkun slíks búnaðar í atvinnuskyni heima fyrir, hjá sjálfstætt starfandi fólki og mjög litlum fyrirtækjum af ýmsu tagi (ráðgjöf, dreifing o.s.frv.) mun leiða til ört vaxandi eftirspurnar.

8. Leggur áherslu á mikilvægi þess að lokið sé við að afnema höft á fjarskiptum í samræmi við tímaáætlun sem er í gildi og Evrópusambandið hefur mælt fyrir um.
9. Viðurkennir að almennt talað sé staða evrópsks iðnaðar mjög góð hvað varðar tækni og framleiðslu á sviði fjarskiptabúnaðar, auk þess sem hljóð- og myndiðnaður stendur traustum fótum og geta á sviði hugbúnaðarþróunar sé umtalsverð, enda þótt hann hafi líka snögga bletti.
10. Leggur áherslu á að þróun upplýsingaþjófélagsins ætti, einkum vegna stöðugra breytinga á skipulagi framleiðsluaðferða fyrirtækja, að vera mikilvægur liður í að

útrýma svæðisbundnu óhagræði og efla efnahagslega og félagslega samheldni í Evrópusambandinu.

III

FER ÞESS Á LEIT VIÐ FRAMKVÆMDASTJÓRNINA AÐ HÚN:

- 1) í stefnumiðum Evrópusambandsins, áætlunum og aðgerðum, og einkum við framkvæmd rammaáætlunarinnar um rannsóknir og þróunarstarf, stuðli að þróun upplýsinga- og fjarskiptatækni á sviði iðnaðar, með sérstöku tilliti til lítilla og meðalstórra fyrirtækja;
- 2) láti fara fram athugun á því hvaða áhrif upplýsingaþjófélagið hafi á samkeppnishæfni í ýmsum greinum atvinnulífsins, þar sem byrjað yrði á núverandi stöðu evrópsks iðnaðar og lagðar fram tillögur um viðeigandi framtaksverkefni sem stuðlað gætu að bættri stöðu hans á heimsmarkaði;
- 3) líti á slík framtaksverkefni sem lið í stefnumörkun er tengist afnámi hafta á fjarskiptum í Evrópusambandinu. Unnt er að stuðla að slíkum framtaksverkefnum með því að nota gildandi gerninga bandalagsins á viðeigandi hátt og beita þeim með skilvirkum og samræmdum hætti;
- 4) fylgi eftir þeim framtaksverkefnum sem stuðla að eflingu upplýsingaiðnaðarins og nýju upplýsingaþjónustunnar, með hliðsjón af því hvaða þýðingu þessir þættir hafa fyrir iðnaðinn almennt;
- 5) haldi áfram að fara yfir ýmis tilraunaverkefni og aðrar tilraunir sem verið er að gera á evrópskum vettvangi og í aðildarríkjunum í tengslum við þróun upplýsingaþjófélagsins og hvetji til þess að upplýsingum um niðurstöður þeirra og bestu aðferðir sé dreift;
- 6) taki tillit, í núgildandi og síðari rammaáætlunum um rannsóknir og þróun, til forgangsatríða sem eru samhljóða niðurstöðum framangreindra athugana og eru líklegust til að stuðla að þróun iðnaðarins;
- 7) meti, sem lið í framangreindri stefnu, hvaða möguleikar eru fólgnir í sameiginlegum aðgerðum á vettvangi sambandsins og aðildarríkjanna, einkum með það í huga að stuðla að:
 - nánara samstarfi milli evrópskra fyrirtækja, þetta á einkum við um lítil og meðalstór fyrirtæki,
 - aukinni starfsemi á sviði stöðlunar sem getur flýtt fyrir tilkomu nýrrar þjónustu og aðgangi að og skipti á upplýsingum;
- 8) haldi áfram að greina hindranir og réttar- og stjórnsýsluáhrif sem snerta þróun opins og samkeppnishæfs umhverfis;

- 9) leggi fyrir ráðið á árinu 1996 orðsendingu um aðgerðir sem verða að liggja fyrir á vettvangi sambandsins til að unnt sé að skapa samkeppnishæfan evrópskan iðnað, sem getur tekist á við krefjandi verkefni og risið undir væntingum sem eru samfara upplýsingaþjóðfélaginu, og upplýsi auk þess ráðið með reglulegu millibili um framgang framtaksverkefna sem einkum tengjast iðnaðarþáttum upplýsingaþjóðfélagsins.